

TAX RAMIARANJATO

Ankasomparana ataon'ny mpitondra ny raharaha AAA Magro sy ny MBS

TARARESAKA TAMIN'NY TAX RAMIARANJATO, IZAY MPAMAKAFAKA POLITIKA NY GAZETY NY VALOSOA VAOVAO, MOMBA NY TOE-DRAHARAHA-PIRENENA AMIN'IZAO FOTOANA, INDRINDRA MAHAKASIKA NY ANTISOJAY ATAO AMIN'NY ORINASA AAA MAGRO, SY NY HAINO AMAN-JERY MBS.

- Gazety Ny Valosoa Vaovao (GNVV) : amin'ny maha-mpamakafaka politika anao, ny fahitanao ny raharaha Mbs, ahoana ny mahakasika izay?

- Tax Ramiaranjato (TR) : ankoatran'ny TVM dia ny MBS no anisan'ny fahitalavitra niniana nodorana tamin'ny fanonganampanjakana notarihan'i Andry Rajoelina tamin'ny taona 2009, satria nanan-jelina ny mpanongana. 11 taona aty aoriana, mbola tsy maty voalavo an-kibo izy ireo, ka mitady ny fomba rehetra indray, resaka tanimpanjakana no olana? Koa maninona no tsy alaina daholo ireo tanimpanjakana hofain'ny mpandraharaha? Na-ahoana no ny MBS irery no halaina? Tsy adala akory ny mpanara-baovao ka tsy hahalala hoe anka-somparana ataon'ny mpi-tondra sy ny mpiara-dia aminy indray io.

- GNVV : ahoana indray ny fahitanao ny momba ny raharaha AAA Magro?

- TR : torak'izay koa ny Magro, saingy resaka hetra indray no voizina, tsy raharahan'ireo mpan-doro sy mpandroba tamin'ny 2009 na dia efa miezaka mampiseho ny antontan-taratasy mana-



Tax Ramiaranjato, tanora mpamakafaka politika.

porofo ny hetra voalao aza ny tompon-andraikitra ny Magro, satria efa ny hanakotana sy hamotika fanindroany an'io orinasa Gasy io no tanjony. Iaraha-mahita izany. Tsy amin'izao fotoanan'ny hamohana izao no tokony hisy an'izany fitakiana hetra izany, fanampiana ny orinasa sahirana noho ny valanaretina coronavirus aza no tokony haton'ny mpitondra.

- GNVV : mahavaoa ny filoha Marc Ravalomanana ve izao sotasota atao amin'ny orinasa Malagasy izao?

- TR : eny, ho voa indray ny Filoha Marc Ravalomanana satria tsy afa-manoatra manoloana ireto tsy maty voalavo an-kibo ireto, azy ireo ny fitondrana, ka izay tiany atao,

fantatsika tsara angamba fa efa betsaka ihany izay fitoriana nataon'ny antoko TIM tamin'ny hosoka fifidiana nisy teto izay, saingy resena eny anivon'ny fitsarana foana ny Tim, ny tanjona dia ny hanimbana ny « carrière politique » an' ny Filoha Marc Ravalomanana. Ankehitriny, ny orinasa izay najoron'ny indray no atao lasibatra. Ary ho latsalatsaina amin'ny fanesoana hoe "Resy Lava", ny tena izy anefa : "resin'ny mpangala-bato lava". Taloha "mpandoro sy mpan-droba", ankehitriny "mpanakatona tsy ara-drainy" indray ry Rajoelina sy ny forongony.

- GNVV : inona ary ny tokony ho fepetra raisin'ny mpomba an'i Dada manoloana izany?

- TR : mila mandray fepetra ny antoko Tim sy ny mpanohana azy, tsy mety intsony ny mangina sy mandefitra, ampy izay, eto aho dia mahatsiaro ilay hoe : "TSY MAINTSY MIPAOKA NY TAKO-BILANY", mila aseho ny équilibre de force, tsy Resy Lava akory fa "potehina lava", ka hanaiky foana toy ny vatolampy angerezam-borona ve? Asehoy ny Firaisankina ry zanak'i Dada.

Nangonin'Isambilo

Valanaretina coronavirus

Niampy iray ny lavo omaly, 20 ny tranga vaovao, 30 no sitrana

Niampy 1 ny lavon'ny valanaretina coronavirus omaly teto Madagasikara, tany amin'ny faritra Diana io olona iray namoy ny ainy io. 20 ny tranga vaovao, noho izany 14863 hatreto no mitondra sy nitondra ny tsimokaretina corona eto amintsika hatramin'ny volana martsa lasa teo. Ny olona sitrana dia 30, ny totalin'ny sitrana izany dia 13832. Ny marary mafy kosa dia 45, nihena 8 tamin'ny andron'ny omaly. Ireo olona 30 sitrana:


- . 9 tany Diana
- . 5 tany Ihorombe
- . 7 tany Bongolava
- . 3 tany Amoron'i Mania
- . 2 teto Analamanga
- . 1 tany Vakinankaratra
- . 1 tany Betsiboka
- . 1 tany Sava
- . 1 tany amin'ny faritra

Anôsy. Ho an'ireo tranga vaovao 20:

- . 15 eto Analamanga
- . 2 any Matsiatra Ambony
- . 2 any Sava
- . 1 any amin'ny faritra Sofia.


Mbola eto amintsika ny valanaretina coronavirus, noho izany mila manaraka ny fepetra ara-pahasalamana hatrany ny rehetra.

Aly



Ny tarehi-marika avy eny amin'ny CCO covid 19 Ivato omaly.

NY TENY FIAINANA



"Ary amin'izay ny Zanak'olona dia ho hita avy eo amin'ny rahona amin'ny hery lehibe sy ny voninahitra."

Marka 13:26



Famotorana olona ambony, manao mizana tsindrin'ila ny BIANCO

Marcel Razafimahatratra : hatr'oviana ry Tale Jeneralin'ny Bianco no misy jiolahy mangalatra tratra dia hoe aleo hilamina vao hatao ny fanadihadiana, fa mbola misamboaravoara ny toe-draharaha? Tena manao mizana tsindrin'ila ianareo BIANCO raha izany. Manao resak'ovy mihitsy.

Rindra Aina : tena mihevitra ny olona ho vendram-belona mihitsy ny Bianco. Tamin'ny raharaha bonbon sucette tonga dia nirosoana ny fanadihadiana dia nisy avy hatrany tale jeneraly sy tale nidoboka. Tsy tokony hisy ny tombo sy hala.

Naly Rakotonoe : dia ho very anjevony sahala amin'ny tsifoky ny Mpifana izany io raharaha io! Ilay raharaha écran plat sy ny ministry ny atitany mivady.

Naly Rakotonoe : izay no tiana hatongavana, tadiavina ho sarontsaronana fotsiny ilay raharaha écran plat ity. Efa mazava ny nolazain'ny PNUD.

Haingoarimanana Razanamahandry : manomboka amin'izao angamba dia tsy hisy voasaringodringotra intsony ireo mpitondra mpanao kolikoly sy mpanampatra fahafana satria efa ny Bianco no miteny fa tsy azo atao ny famotorana satria mbola misavorovoro. Nakatona ny Magro, ny MBS tadiavina hoesorina, izany ve tsy mampisavorovoro, nefa ataon'ireo mpiara-dia amin'ny fitondrana ihany. Tokony handeha ny fanadihadiana amin'ity raharaha CCO sy écran plat, sy ny ministry ny atitany mivady ity.

Frayel Frayel : trondro be zany tsy fanenjika, hoy ny fiteny, fa ny trondro madinika ihany no mihinana ny tadiny eo, tena tsy rariny, misy fanavakavahana.

Alfred Rasendra : ka efa hoe saribakoly be vava fa tsy sahy hikitika an'ireo fa mazava ho azy fa ho voadaka ao. Na ny an'i Claudine aza tsisy dikany oharina @ ny Bonbons sucettes sy ny écrans géants ny ministre mivady, fa i Claudine nogadraina i Mr ministre manohy ny bizina izany.

Gasy Rabekoto : rabekoto ity RA IO MINISITRA IO TSY MANINONA RA MIGADRA FA NY TENA HATAHORAN'NY ANDRY NIRINA RAJOELINA DIA ILAY VADINY HIGADRA MANAHIRANA NY HANAMPIM-BAVA VEHIVAVY NA INONA NA INONA HAVOAKANY DAHOLO IZAY FANTANY, INDRINDRA NY HALABATO NAHALANY AN-DRAJOELINA.

Aristide Zafindramaro : incroyable ! "Planète des singes" (titre de film io ho antsika tsy mahalala) aza mbola misy logique de gouvernance. Ity tena tsy misy bonne gouvernance intsony fa



tena efa mihoatra ny mety ilay fanara-raotam-pahefana sy kolikoly natao.

Raketaka Rahaingo Raketamanga : aleo kosa mba hilamina aloha ee ... manakatona ny Mbs sy Tiko ary tripleA zao aloha no azo atao sy tsy maintsy atao, izany aza no tena mampikorontana sy mampisamboaravoara satria olona firy no very asa ao anatin'izany ?

Luc Rakotozanany : de tsy hitako izay ilàna ny Bianco, Pac sy Hcj raha toy izao, tokony hosokafana ny famotorana, aiza koa no misy mpangalatra efa hita fa ahiahiana izao dia mbola avela aloha fa hoe mbola mampikorontana, tena tsy izy izany.

Alain Randria : dia gaga ny tena ! Sao dia heveriny ho bado àry ny olona dia hino fahatany izany resany izany ! rehefa ahiahiana dia tokony hosokafana ny famotorana, volam-bahoaka io, ary vola notrosaina koa ka ny vahoaka rehetra ihany no hamerina azy, ka tokony hatao ny fanadihadiana ihany koa momba ity resaka écran plat eny amin'ny CCO Ivato ity.

Jean Claude Rasoamahefa : oh ry Bianco ah, mba zahao kely ry zareo ao am Bianco ao fa misy raha tsy milam ao oh! Aza asiana tombo sy hala fa rehefa tokony hosokafana ny famotorana dia sokafy e !

Lisy Ravolason : hay ve afaka mian-dry toy izany izy ity e, ary maninona no tsy niandry fitoniana tamin'ilay resaka bonbon 8 milliards ? Misy tompon'andraikitra ambony notanana vonjimaika any amponja mantsy tamin'iny. Dia maninona ity no miandry fitoniana? Foano any koa ity Bianco ity fa tena mitanila.